

"Atlant dla tradizions ladines"

**L Istitut Ladin Micurà de Rù ie tl lëur de studië sistematicamënter la tradizions ladines
deberieda cun l antropologh Alessandro Norsa**

Tradizions - Nce te nosta valedes se à svilupà n gran patrimonio de tradizions chersciudes ti cënc de ani, y che ie mo n pert n droa al didancuei. Per les studië sistematicamënter y cunservé per l dauni, à l Istitut Ladin Micurà de Rù metù a jì n proiet de nrescida scientifich, cofinanzia dala Region Trentin/

Südtirol, se nuzan nce dla cunlaurazion dl antropologh Alessandro Norsa.

L proiet, scumencià de jené dl 2008 y che unirà stlut ju tl 2010, dajerà la puscibltà a Norsa de cri adum la nutizies che à da n fé cun la tradizions dl zitlus dl ann dla cin valedes ladines, che unirà publichedes te n atlas "Atlant dla

tradizions ladines", fat da chertes geografiches dla Ladinia cun la ndicazions ulache la tradizions desferèntes ie da abiné. Chësc atlas unirà cumpanià da doi libri cun l material abinà parti su per valedes y luesc. N pënza nce a n portal sun internet, ulache i resultac dla ncrescida unissa publichei.

Tl'ucajion dla cuntlujion di lëures de nrescida n cont de Fedom, àn ulù rengrazië te na maniera speziela i diretëures dl Museum de Fedom Franco Del Tedesco y dl Istitut Ladin Cesa de Jan Moreno Kerer per l gran aiut, ti scincan na copia anastatica dl manuscrit de Pietro Fava dal titul "Notizie storiche Topografiche e Religiose di Livinallongo e dei luoghi confinanti a questa giurisdizione", scrit tl ann 1828 y cunservà tla biblioteca Ferdinandeum de Dispruch.

Te chësta ucajion ulons nce rengrazië duta la jënt che à sustenì la nrescida dajan inant si savëi y si nfurmazions al antropologh Norsa.



Da man ciancia l diretëur dl Istitut Ladin Leander Moroder, Franco Del Tedesco, Moreno Kerer diretëut Istitut ladin Cesa de Jan, Alessandro Norsa ntan l'ancunteda de sëurandata dla copia dl manuscrit dl 1828.

*Leander Moroder,
diretëur dl Istitut Ladin Micurà
de Rù*